

reciperet etiam in qualibet possessione terrena, quanto magis in coniugii societate, sicut etiam sacri canones simili aequitatis deliberatione observandum esse decernunt.

CAPUT XV. Possunt etiam istiusmodi pravi atque distorti homines
 5 sive fautores ac deceptores eorum illud quasi iuste et licenter assumere
 in exemplum, quod de viris tribus Beniamin refertur in libro Iudic-
 cum³¹³: Qui cum pro culpa superbiae et pravitatis suae, qua civium
 suorum detestandum atque immanissimum scelus adversus deum et
 10 totius populi iudicium improbe et impie defendere ausi sunt et contra
 omne regnum rebelli obstinatione pugnare, divino iudicio in bello
 corruissent et usque ad internecionem paene fuissent deleti cum uni-
 versis uxoribus et filiis suis, remanserint ex tota illa tribu sexcenti viri
 tantummodo. Unde universus populus Israel, qui in illo certamine
 adversus eos processerat eosque prostraverat gladio iuxta divinam
 15 iussionem in ultionem nefandi sceleris, vehementi et religioso dolore
 permotus est, quod ex duodecim tribubus eiusdem populi, sicut ab
 initio a^j deoⁱ fuerant institutae et de Aegypto liberatae et in terram
 repromissionis inductae et sortis distributione hereditatem adeptae,
 una tribus tam nobilis atque praeclara videretur etiam sublata. Qua-
 20 propter nimium dolentes et flentes atque ululantes, quod videlicet
 illud sacrosanctum mysterium duodecim tribuum, quod in humeris
 summi sacerdotis intrans in sancta sanctorum gestabatur in duobus
 pretiosis lapidibus in pectore et etiam in aliis duodecim lapidibus pre-
 tiosis, sed et in mensa in duodecim panibus incessanter offerebatur et
 25 futuro gloriosissimo apostolorum choro haec omnia praeparabantur,
 tam subita clade et^k lugubri casu videretur esse decurtatum atque
 truncatum, altare exstruxerunt, victimis atque oblationibus et sibi et
 illis dominum placaverunt et divina gratia miserante et cooperante
 omni cura ingentique studio egerunt, ut vel^l plenitudo populi dei vel
 30 tanti mysterii insigne apud eos nullatenus deperiret. Sicut mirabiliter
 postmodum etiam in novo testamento per beatos apostolos sancto
 spiritu agente procuratum est, ut eiusdem duodenarii numeri sacra-
 mentum, quod pereunte Iuda videbatur esse mutilatum, electione et
 subrogatione Mathiae³¹⁴ maneret instauratum atque perfectum. Et
 35 quoniam, ut iam dictum est, ex tota illa tribu sexcenti viri tantummodo
 superfuerant, quadringentis ex eis quadringentas virgines providerunt

j'-j') *fehlt Si.* k') *ac Si.* l') *et Si.*

313) *Vgl. Iudic. 20 und 21.*

314) *Vgl. Act. 1.*